

190. **HIERACIUM** (*sanctum*) foliis lyratis obtusis dentatis, scapo nudo multifloro.

*Habitat in Palæstina. Hasselquist. 24.*

*Radix* tenuis, fibrosa. *Folia* radicalia, plura, obovata, lyrata, dentata, obtusa, petiolata, pubescentia. *Scapus* foliis duplo altior, subpubescens, apice gerens *Flores* 5, s. 7, parvos, luteos, *Pedunculis* villosis, *calycibus* imbricatis, acutis.

191. **CARDUUS** (*mollis*) foliis pinnatifidis linearibus subtus tomentosis, caule inermi unifloro.

*Carduus mollis*, laciniato folio. *Baub. pin. 377.*

*Carduus mollior* L. *Clus. hist. 2. p. 151.*

*Habitat in alpibus Austriæ.*

*Folia* radicalia, plura, linearia, pinnatifida, subinermia, subtus albo tomentosa, supra subpubescentia. *Caulis* teres, simplex, subtomentosus, inferne parum foliosus, superne subnudus, inermis. *Calyx* terminalis, majusculus, crassiusculus, squamis mucronato-subulatis non pungentibus. *Corolla* purpurea. *Folia* echinopis annui sunt.

192. **BIDENS** (*atripiciifolia*) caule paniculato, foliis deltoideis alternis dentatis petiolatis stipulatis.

*Habitat in America meridionali. Miller.*

*Caulis* lævis, herbaceus, paniculatus. *Folia* deltoidea (*Chenopodii*), tenuia, dentata, nuda, in petiolos desinentia, alterna. *Stipule* pares, reniformes instar auricularum. *Flores* solitarii, terminales, oblongo-ovati, absque radio. *Receptaculum* subulatum, paleis longitudine flosculorum apice villosis. *Flosculi* minimi. *Semina* oblonga, tetragona, mutica.

193. **SANTOLINA** (*squarrosa*) pedunculis unifloris lateralibus, foliis ovalibus mucronatis recurvatis.

*Habitat in Æthiopia. Burmannus h.*

*Fruticulus* determinate ramosus, inæqualis. *Folia* alterna,